

宋詩紀事補遺

宋詩紀事補遺卷之四

歸安陸心源伯
編委輯

丁謂

厲有

贈方江二君

偶向嚴堂弔子陵布衣攜手遠相迎乍親冠蓋談諧
少久住林泉骨月清正好辛勤緣齒少最難遭遇是
時平李頫鄉黨玄英裔皆合工詩取盛名

嚴陵集

送張無夢歸天台山

不逐蒲輪至惟尋蕙帳還冥鴻施物外遼鶴别人間
心與冠纓遠身將日月閒放歸銜帝澤賜對仰天顏

逸躅凌風馭高文炳象環瓊臺刻宸藻千古耀名山

送僧歸護國寺

少室久傳西祖印京華時不等閒尋黃樞慕道飛書
密紫禁知名示寵深一法徧垂春雨潤羣生皆悟海
潮音南歸入桂禪庭在後夜僧懷立雪心天台續集

江陵

渚宮形勝地從古冠荆湖依劉開幕府吊屈俯滄浪

輿地紀勝

垂虹亭

悠悠風物四時新冉冉山屏萬古春多少江山人不

看却來江上看行人

吳都文
粹續集

廣利

出城數里卽青山路入青松白石間只合步行尋石徑不宜呵喝入松關輿地紀勝

朱台符

字拱正眉州人湻化進士少聰穎十歲能屬辭累官將作監丞太常博士知浚儀縣通判青州咸平初京平運副終于知洪州宋史有傳

贈濬于公歸養

通籍懸車不待年綵衣歸去奉晨昏倚門且慰慈親

望戀闕空銜聖主恩天上芝泥新誥勅海邊燕沒舊
田園會須引退追高躅宦路悠悠豈足論黃縣志

王欽若

膚有

送張無夢歸天台山

天台瓊臺標奇狀赤城瀑布懸千丈中有高人混姓
名不向迷塗隨得喪閑尋棋侶過清溪靜撥雲根種
紫芝八卦爐中調姹女三田宮裏守嬰兒太平天子
秉乾籙內甯外肅均百福直符受事紫微宮三捧靈
文降黃屋沖漠玄臺集九真清淨洪基化兆民祥風
指秋來幽谷志士乘躋朝玉宸相見開懷忘歲月因

論微言鑒毫髮萬壑流泉嶠不枯四時春煦花常發
却避紅塵思舊麓空羨冥鴻歸勢速囊中御製龍行
歌好與黃庭同誦讀天台集

郭崇仁

字永年章穆皇后弟淳化中厯官高陽路馬步
軍副總管卒贈彰德軍節度留後宋史外戚有
傳

聞高陽路警報

上郡連烽火河陽更羽書兵戈連歲擾老病一身餘
警哨無安枕憂危有報疏名山猶未卜何處好閒居

宋詩

拾遺

馬亮

字叔明合肥人第進士至道中知蕪湖縣治績著聞累官工部尚書謚忠肅

滴翠軒

高閣登臨暑氣空綠槐蟬噪咽清風我今到此須懷感多少行人道路中

太平府志

王挺之

至道中歙州軍事判官

至道初元六月不雨爲民冒暑乞靈龍湫投

辭未竟雲氣已作雷雨繼之

欲呼雲雨沃焦田裊裊籃輿入翠煙萬仞孤高隨鳥道一潭澄碧快龍眠浮丘黃帝真成道漢武秦皇謾學僊但願甘霖慰枯槁豈知衰朽得神憐志

黃山

題黃山

疊巘障南國攢峰頂半空朝晉長見日晴晦預知風樹柏千年在嵐光四面有名山今日覩奇秀兩無窮地靈通十洞山邃宅諸僊怪似龍逢霹高疑劍倚天巖端鎖丹竈石罅逼溫泉卻憶登樓堞徒能見巨然

陳靖

字道卿莆田人太宗時京西勸農使真宗時歷知泉州三州以祕書監致仕宋史有傳

題燕

秋去春來不倦遙流鶯相伴語交交兒孫各伴飛鳴
去猶揀新泥補舊巢

莆田縣志

句

玉堂視草思嚴助鈴閣談經滯馬融

輿地紀勝

陳搏

厲有

三陽山

華山高處是吾宮出卽凌虛跨曉風臺殿不將金鎖

閉來時自有白雲封

山西通志

俞公巖

萬事若在手百年聊稱情他時南嶽去記得此巖名

與地紀勝

王祐

字景叔莘縣人仕爲殿中侍御史累官兵部侍郎宋史有傳

南陽鄧侯城

置酒向南宮分明將將雄指蹤爲第一大國賞元戎似續惟人傑忘盡狗功賢哉垂儉德千古仰清風

輿地
紀勝

錢惟濟屬有

護國寺

穹窿台嶽壓重溟中起青鶯接福庭新好天花經雨
墜清涼甘露隔宵零金繩界道連飛布碧樹周阿繞
翠屏異日功成解纓去此期同擷五芝馨

天台續集

送從進長老歸天台

樞府多年識相臺又飛銀錫出神皇霞標起處瞻鶯
刹風信平時過驚濤月露空濛迷檜櫟天台芬郁濕
蘭袍道猷法窟從茲□□□□□□□□□

錢惟演
厲有

留題雲門山雍熙院

精舍依巖崿香林結薜蘿崇臺涵夕靄危閣架春波
淨饌供蒲塞真詮譯貝多幾時輝晝錦松下駐鳴珂

送高學士知越

粉署爲郎鬢雪侵酒酣風駛惜分襟雲迷水館春旗
潤樹繞山城暝角深下擔桂鈎傳密意渡江桃葉聽
遺音孤鶯啼罷芳心歇倦翼因君憶故林以上會稽
掇英集

送張無夢歸天台山

金庭霞標雲半中巖扉澗戶凌太空飄飄靈氣際浮

景蟬蛻萬物乘高風吾君當天坐環極物色異人方
側席豈因垂釣識羔裘不假張羅得鳧鳥恩深況遇
千齡旦威顏咫尺隆宸睞問□應同牧馬言臨軒幾
動猶龍嘆方瞳玉骨本無羈馳烟馭氣思東歸江南
芳草正無際林下羣鶩猶亂飛浮丘挹袂去何處玉
芝向曉仙露晞人間秘境不可識千載宸章煥巖壁

送梵才大師歸天台

漢苑辭千櫟仙丘訪五芝汲瓶春溜滿卷祫曉雲滋
望刹青龍起觀濤白馬馳紅樓曾應制佳句詠朝綏

送僧歸護國寺

曹溪有真嗣是古大知識得法三十年堂堂坐嚴石
忽徇雲璽招暫山冥鴻翼褰裳度王城夙駕來冥壁
陸泉正持戒到溉方蔬食晨爐薈葛霏夜榻氍毹積
金鉢稻脂香瓊甌茗花碧高譚入幽固默對探虛寂
學精西竺言詩妙南朝格與游欣霧澗鄙客猶泉深
遙憶五芝春悠然理歸策伊予病且老末景如駒隙
慙爲中軍師更玷台臣席無功翊熙明何力當優績
蓮社久棲心華簪聊寄迹願辭食地封永事彌天琴

又

白道縈回徹上方薰然風信滿歸航五芝巖秀經行

熟千株園深宴坐涼吟久半軒移海日定回諸壑散
天香忘年寶契由來厚終謝繁縷捧鉢囊

送僧歸天甯萬年禪院

絕巘依滄海疑君際紫氣巖扉晴落雪寶地晝生雲
淨饌芝房秀深爐桂葉熏宰官遊未得空愧北山文
護國寺

峻極壓滄溟清居聚百靈重門深闔邃絕澗遠洪冥
客問無生法人遊不死庭何當謝簪粗鳥道駕飛輪

懷天台進禪師

默坐理情條虛齋息眾囂寰區指稀米身世喻芭蕉

雨任階生蘚風嫌樹有瓢惟思白蓮社他日許相招

以上天

台續集

送禪照大師歸越

金刹杳霞靄南風漾彩船吳天六幕遠越岫萬螺青
龍象霏雕像鯨濤注淨瓶上方堪迥望支策見春溟

雪夕奉陪天台明照禪師擁爐閑話

藜燭蒼香夜幄清朔風窓際激飛英鳳梨鴟芋煨將
熟坐擁豐紹話赤城

天台別編

登師欲東歸因成五言

誰謂元戎幕今同長者家一音聞說法五葉見開花

久住生車耳因閑長道牙方期注金策休夢赤城霞
江爲

建陽人嘗游白鹿洞師事陳貺學詩居二十年
遂以詩著名爲南唐主所喜

江行

越信隔年稀孤州幾夢歸月寒花露重江晚水烟微
帆直帆相望沙空鳥並飛何時洞庭上春雨滿蓑衣

宋元
詩會

贈天台僧

白髮經年復白眉齊身多病已無機會來越客留詩

板舊識蕃人送衲衣巖竇夜禪雲樹濕石橋秋望海
山微結庵更擬尋峯頂晚歲應容扣竹扉

天台集

錢昭度

厲有

雨霽剡溪

剡溪風雨霽航葦重行行到處楊柳色幾家荷葉聲
噪蟬金鼎沸游水玉壺清最喜魚梁伴歸帆的的經

懷會稽

斗牛星外翻成夢巢鳥枝前略寄身越國荷花八百
里別來誰是採蓮人

會稽報

翁宏

桂嶺人遷述韶賀間

贈衡山廖融南遊

病臥障雲間
莓苔漬竹關
孤吟牛渚月夜憶洞庭山
壯志潛消盡
滄風竟未還
今朝一相遇
執手一開顏

輿地紀勝

危固

固字堅道南城人佑之子少好學不慕仕進元
絳趙汴薦之朝皆不就著有自珍集

隱居

高士隱居處迢迢綠水灣
數間玉川屋七里子陵灘

出入是非外醉醒文字閒千鍾天子祿不肯換清閑

送僧歸西林院

振錫西林去清閑稱所依高巢孤鶴返深谷片雲歸
野色供吟筆秋光射衲衣長亭攜別處落日半沉暉

廣福院

二月楊花滿路飛鶯簧清巧弄晴暉誰知騷雅尋芳
客寂寞東風馬上歸

福山寺

覆船山色翠峩峩裁石藏雲不厭多達理禪師超彼
岸莫疑身外有風波以上江西詩徵

陳陀

盱江人

咏麻姑山

曉入麻姑瑞氣浮
羽人重喜故人游
鶴從仙仗歸丹穴
藥種靈苗滿舊洲
喬木老含春色澹
夜溪寒帶月光流
登臨已覺凡塵少
何必區區慕虎邱

重刻麻姑山志

盧郢

金陵人好學有才藝
膂力過人善吹鐵笛
江南後主時試賦擢第
一後歸宋累官南金守
多著

治績

黃鶴樓

黃鶴何年去杳冥高樓千載倚江城碧雲朝卷四山
景流水夜傳三峽聲柳暗西州供騁望草芳南浦徧
離情登臨一晌須回首看却鄉心萬感生

江夏縣志

劉昭禹

宋初人

蒼嶺

盡日行方半諸山直下看白雲隨步起危徑極天盤
瀑頂橋形小溪邊店影寒往來空太息元髮改非難

宋詩

拾遺

錢明逸

字子飛易子舉才識兼茂科官翰林學士知開
封府卒贈禮部尙書謚修懿

垂虹亭

千里波平瑟瑟風纖雲不解翳虛空素娥自有清光
在上下清明一鑑中

吳都文
粹續集

周洙

新繁人正晦先生頊之子知漢州表權之父
到州感呈通判

白雲深處雙輪過紅旆叢中五馬來父子華顛忻會

聚簪裾青眼喜遊陪趨庭日有朱衣戲從此無心詫

老萊

興地
紀勝

孫僅

厲有

蒙泉

孤城深鎖亂雲間城上雲開面面山負郭惠泉誰共
訪衛公詩碣綠苔班

潛山

勢參吳楚分作鎮向同安地勝塵寰隔天深洞府寬
位將衡嶽敵根與霍山蟠日轉香爐煖風清玉照寒
石樓平郡堞天柱倚雲端禪鄰祖師塔仙接左慈壇

元宗魯立廟漢武亦鳴鑾

輿地紀勝

張景

字晦之江陵公安人嗜學工文受業于柳開游京師與富春孫僅沛國朱嚴成季李庶幾齊名真宗初成進士調館陶主簿坐公累貶全州赦還爲房襄二州文學參軍陳堯咨言于上復選

楚州寶應主簿改大理評事知泗州昭信縣移掌真州權茶務卒年四十七著有洪範王霸二

書見宋景文集

兩岸綠楊遮虎渡一番青草覆龍洲

新栗米炊魚子飯嫩冬瓜煮鱉魚裙

輿地紀勝張景公安人居城南之方城仁宗朝嘗召見上問曰卿在江陵何處居景對曰云云因陳龍洲虎渡之名上善其對

探梅

跨蹇度溪橋處處尋春信青枝攤舊蓄喚僕頻頻認

梅花
百詠

王惟正

字晦蒙太原人咸平元年進士注瀛州司戶參軍厯光化軍判官光祿寺丞大理寺丞殿中丞虞部員外郎金部司勲員外郎主客郎中知終

州厯知遼雅衛德四州提點荆南刑獄廣西轉
運使乞便郡就養改知解州晉州江東轉運使
充三司戶部判官慶厯二年卒年七十一

中鎮廟留題

聳峻疊寒翠森森廟木秋崇封應聖跡褒德鎮中州
輔宋來宸署與唐占上遊義旗初有立未足答神庥

山西

曾易簡

易簡南豐人致堯子有雋才真宗初年十三以
神童薦召試舍人院後卒於京師

清明日賜新火

園子監舉送禮部試此詩拔筆立就

令節傳龍蠟君恩賜近臣乍燃煙尙短初出焰猶新
照耀王侯第歡呼里巷民誰知蓬草下還有聚螢人

江西詩徵

劉筠

厲有

送高學士知越

浩蕩辭波潤鼠鬚風流談柄藹栟櫚漢臺厭卧邱官
錦禹穴思採上世書鵠葢成陰爭出餞鶡絃促調歎
離居由來方任推名輩藻思江山助起予

會稽掇英集

送張無夢歸天台

抗節在叢霄談玄屢對堯風迴列子馭霞建赤城標

白石泥丹寵紅泉滌酒瓢天章耀行色鶴態自逍遙

送僧歸護國寺

暫寄長安寺時聞寶偈傳南歸宗派盛外護帝臣賢

桂色陵庵雪芝腴助茗泉離懷杳何許鳳刹際霞天

天台續集

樂黃庭

江西宜黃人咸平元年進士官至大理寺丞

雲峰院

魏峩山半寺幽景獨牽吟雲鑽定僧室鹿眠庭槐陰

松生金殿瓦猿嘯石峯岑到卽無他念令人有道心

撫州府志

郭賁

字文爵人咸平元年進士授太常博士

登太山

雙屐衝煙上泰臺欲將老眼傍天開春深疊嶂晴看
雪雨後飛泉夜聽雷玉節攢蒼烟浩渺羣山裂翠壁
崔嵬目前齊魯何須問千古登封只艸萊宋詩拾遺

富言

字應之河南人咸平二年進士調興隴軍事推

官厯官太常丞太常博士屯田員外郎天聖八年知萬州卒于任年六十三見名臣碑版宛炎集富秦公墓誌

遊靈巖

聞說靈巖境最幽乘閒艤棹共追遊飛泉翠滴半空雨古樹陰連萬壑秋標渺香煙籠梵榻嵯峨山勢枕江流登臨眺望關河遠惹起鄉思戀國愁

漢南府志

錢易

屬有

夢越州小江

在城西之三十里

越布縫單衾燈青月黃淺精魂度江水適去無近遠

濕沙平朔天宿鳥踏古篆巨潮流積石瘦白澀無蘚
楨響期西陵蒼岑屏曲展夙齡賤登臨今日生健羨
汀洲逢故妾張袂指吳苑向人呼舊官血泣慙孤蹇

覽越僧詩集有寄

莫學江淹擬惠休碧雲才調已難酬懷君知有關山
夢開卷如逢水石秋不得歸來作都講自慙名宦正
悠悠以上會稽
掇英集

送張無夢歸天台

暫謁明光拂斗槎杖藜歸去赤城霞琳宮重啟仙人
室金闕新辭太帝家祇自運心奔白日何須擲米作

丹砂雲草賜重嵒
峭遠還向懸岑錄五芽

送僧歸護國寺

拂衣台嶺舊林泉
命服蘭芽奪日鮮
一念不居常在定
十分無悶盡安禪
霜含庭柏依稀老
月到經窓暗澹圓
蠟枕沈迷難話別
半橋衰柳鎖寒烟

天台續集

李退

膺有

烏目山五題并序

余被物役塗汚故羈於人務網於吏位誠此身
爲官府有也今四十加六年始覺老非欲而已
至病不期而自來生何常而本空死如歸而其

寂由是登水木之虛室遇霞月之美夜聞經梵
之清韻覽香花之寶會則心悅以情動目爽以
言發綺靡以文著水釋以意達前月中隨漕輶
牒治金穀事至常熟縣過烏目山其山左右前
後僧居佛宇者有五因而成五題皆率爾所作
非高妙也大中祥符三年四月五日序

興福寺

雲門十里長殿塔明朝陽半夜風雨至滿山松桂香
清猿嘯遠壑好鳥鳴虛廊塵土斯可濯何爲語滄浪

延福院

蘭桂遶禪關半春香滿山風移金磬遠雲伴玉龍閑
樹暗猿吟外花開僧定間塵心自然洗流水日潺潺

淨居院

入門松桂深清氣生人心霞影迷窗綺花光照地金
微風起層閣初月升高林終夜魂自健滿堂鐘磬音

永慶寺

嚴扉開早涼谷鳥紛遠翔花氣溼幽徑磬聲清上方
雲生松澗底泉落蘚池傍我有遺榮意移時坐石牀

龍院

林下金仙地苔門掩夕陽花飛殿塔頂地照雲霞光

松老鶴仍在洞閑龍已翔中宵動清眾清磬發虛堂

琴川

志

聶致堯

字長孺歙縣人咸平三年進士以子冠卿貴贈

禮部尚書

祥符寺

諸峰回合處古木抱松林月占秋廊靜雲侵晝殿陰
有泉通石眼不火沸池心洗淨多生垢天風更梵音

黃山

吳世範

連州人登咸平三年進士大中祥符間爲漳浦
令後由太子中舍遷殿中丞詩文甚工今傳二

篇

廖仙巖

治民因得道浮世學應難自是神仙骨非千龍虎丹
松簾排洞鏹樓閣倚雲端此日朝真去慚爲五品官

白鶴山

靈壇古蹟自來誇四望峯巒錦簇花白鶴何來歸洞
府青山竟日鎖烟霞言尋庭下燒丹竈爭羨天邊返
斗槎我欲離塵埃凡骨願隨風馭到仙家

粵詩
蒐逸

石待問

字則善四川眉州人咸平三年庚子進士應直言極諫科六試皆第一授殿中丞通判明州秩滿進諫史百卷真宗大悅召以崇文館後以諫造昭應宮黜滁州團練使仁宗卽位通判太平州遂家焉終于太常丞知階州皇祐三年卒

遊黃山

軒皇曾把浮丘袂
駐蹕茲山遂得名
迤邐乍登隨步勝
巍峩一上覺身輕
煙雲日變百千態
猿鶴時聞三兩聲
截斷杳冥秋勢隔
數州各自見陰晴

黃山志

石上松

何常爲莊石同立太平基

太平府志

方慎言

字應之莆田人咸平三年進士累知金華縣通判福州泉州建州知達州仁宗時侍御史廣東提刑兩浙轉運入爲右諫議大夫知廣州卒贈儀同三司著有詩集五卷

靈巖弄月池

宦游難作重來約一枕泉聲老不忘

蒲陽
比事

周薰

薰字勉齊，甯州人。咸平三年進士。知衡州。有政

聲，仕至駕部郎中。

金精山

金精山高絕塵俗。中通洞天。石削玉仙家。庭院晝不
扃。草色迷階。秋雨綠香爐。峰前青可掬。石鼓壇邊翠
如沐。道人采藥青牛還。鐵笛聲穿山鬼哭。江西詩徵

何拯

四川渠縣人。咸平三年進士。

登第後作

自古寶城繼踵。希吾門多幸。感昌時姪娥。□□□□

桂從此何家第二枝

輿地紀勝

胡用莊

用莊奉新人咸平三年登進士第三官江州通判

詠紅蕉

幼時父命作

謝家池館遇芳菲破綠抽心一片緋恰似九衢三
月綠羅叢裏著朱衣

江西詩徵

葉參

字次清籍雲人清臣父咸平四年登第景祐中
以兵部郎中出守湖州歷光祿卿

入天章道中

帝俞荒址創毘耶茂嶺烟篁古一涯僧入定中觀水
月客來空際蘚天花宸章飛動凌奎彩灑澣清涼派
非華不省永和年景趣飮開虛座演三車

會稽掇英集

店肅

宇叔元杭州錢塘人咸平元年進士官至龍圖
閣待制登聞檢院知審刑院宋史有傳

季子挂劍歌

季子讓一國視之敝屣然甯當寶一劍不爲徐君懸
徐君雖亡骨未朽劍挂墳前白楊柳君知不知不足

悲我心許君終不移

宋詩紀事補遺卷四 男侍讀銜內閣中書樹
林

宋詩紀事補遺卷之五

歸安陸心源伯剛父輯

陳知微

字希顏高郵人咸平五年進士厯官京東荆湖
轉運使比部員外知制誥宋史有傳

送高學士知越

會稽新命剖魚符又向蓬山鑄直廬林壑繁迴多洞
府人烟高下半樓居知音好採柯亭竹博物應探禹
穴書公暇仙舟宜案部鑑湖晴色照鄉間

會稽掇英集

姜世昌

建州人

句 和藤原爲時龍

畫鼓雷奔天不雨綵旗雲聳地生風

隣交徵書初篇

宋史日本傳咸平五年建州海賈周世昌遭風飄

至日本凡七年得還與其國人膝木吉至上皆召
見之世昌以其國人唱和詩來上姜世昌周世昌
蓋同人當時爲時爲越前守蓋世昌飄至越前敦
賀而從遊乎

章得象

厲有

留題寶相寺

天台四面翠如屏洞穴幽奇地最靈百尺巖中真像

在千年澗畔古松青路傍斷石留神迹

路傍斷石如刀鋸割截之

狀傳云昔造佛者試鋸於此今謂之鋸解峯是也

壁上遺文缺舊銘

建寺碑文乃劉

魏所撰今壞缺不存但寫之屋壁字已訛矣

我是丹丘仙郡守暫來猶似

覺魂醒

會稽掇英集

送張無夢歸天台

瓊臺東畔倚岩堯標渺烟霞切絳霄門外杉松盡頽
怪雲中雞犬自逍遙水流玉洞桃花出風過星壇桂
子飄蕙帳已空三徑在可憐猿鶴共無膠

送梵才大師歸天台

京寺栖禪久霞城去路長江波收積潦風信促歸航
坐榻新蒲隱齋孟早稻香遙知掩扉處森斗萬峰傍

送僧歸護國寺

京塵拂盡一囊輕歸思飄然入杳冥五兩風高飛榜
急入重山秀倚天青供花林鳥窺禪熟聞呪潭龍起
蟄醒他日可容攀社侶籃輿終待仰松局

題延慶院

碧澗連龍穴層巒倚括蒼無時似風雨橈院盡松篁
路僻人難到僧閒日自長勝遊應不負三度屆雲房

曾禱雨龍潭立有嘉應
致齋祭謝三至於此

題山宮法安院

路入青青數里松上方樓閣一重重千尋練掛雙流
瀑六曲屏開四面峰幽鶯獨翹藏翠竹啼猿相對答
疎鐘留連不忍催歸騎回首斜陽烟霧濃

又

山家門逕鎖寒松更向烟蘿第幾重幽鳥啼花歸舊
谷應龍飛雨過前峰分持皂蓋歌千騎入冠黃犀祿
萬鍾一見高吟重興感清名長在木陰濃

題東掖山承天院

聞說新庵號白蓮五峰環繞布金田虎溪社共何人

繼佛龍燈從幾代傳嵐色排空長似盡松枝偃蓋不知年勞生已作歸休計願解塵纓結淨緣

題靈康廟

白鶴何年入紫氛空餘靈跡廟猶存巖厓暗鎖雲根老堂殿陰連海氣昏潮上神鳥鳴祭鼓夜深鬼火照祠門遼天歸嘆桑田事應與麻姑子細論

桐柏崇道觀

萬仞攀蘿上翠岑豁然平地九峰心參差珠樹和雲出咫尺丹霄有路尋洞口碧畦長種玉壇邊古篆欲生金桑田未變桃先熟唯見蓬萊水淺深

國清寺

松韻蕭騷十里清入門毛骨冷如冰題詩已有丹青
筆悟法應多黑白僧風雨只疑雙澗瀑星辰長認上方
熔來遊不是忘機客誰到雲峰第一層以上天台續集

植萱亭

凌江清淺遶城流庾嶺南邊第一州惟有梅花傳遠
信只憑萱草報離憂

句

青草瘴深盧橘熟黃梅雨歇荔枝紅以上與地紀勝

季穀

武進人咸平進士

均慶寺

一方靈跡兩峰間，左右芒山與瑽山。勝地昔曾鍾玉氣，高僧誰此掩禪關。翠飛巍殿烟函碧，翠削層崖苔薛斑。千古英雄無處問，嶺頭依舊白雲閒。

宋詩拾遺

孫頑

字景修號拙翁長沙人父成象累世以行義著咸平間舉進士知桂陽軍遷湖北轉運使終太常少卿以才顯於世

拙翁巖銘

人皆營營我心則甯人方攘攘我靜且平疏拙之性
自知甚明假符偏疊遇時宴清居多暇日愛此巖居
登臨眺望咸快襟靈蒼巖磨礱用刻此銘沅湘者舊傳

句

星分紀軫三湘尾萬頃湖邊舊晉都

輿地紀勝

張及

第進士咸平時知臨邛縣太守欲引水泛舟遣

吏于縣決堰水時農事方興及曰涸民田以事

可乎令可去水不可決守謝之

贈黃延矩處士

三公高節厭喧卑同寄蕭宮共展眉玉樹冰壺齊品
格野雲臯鶴本追隨泉流指下何人賞岳峭毫端祇
自知總戀賢侯美風教故山歸去尙遲遲

贈杜大舉

家本樊川老蜀都世家冠劍豈寒儒筆耕尙可儲三
載酒戰猶能敵百夫僻愛舜琴湘水弄每懸孫畫醉
仙圖孟光笑語長相逐喚作梁鴻得也無茅亭客話

朱正辭

昂之子咸平進士與兄正彝弟正基並附宋史
文苑昂傳

岳陽

地形吞七澤山勢壓重湖

輿地紀勝

王曙

厲有

答子益

疏家子歎揮金後禦冠妻悲遺粟回爭似吾兒知止

足陶廬容膝早歸來

蔡忠惠集司農王君墓誌

舒雅

厲有

送僧歸護國寺

僊思皇澤來丹闕却爲禪齋返舊林嶺上白雲終掛
念人間餘事不關心澄潭雨過秋涵月古檜風生夜

對琴聞道石橋多勝境幾時相伴一聞尋

天台續集

李迪

廣有

靈巖

靈巖山勢異金地景難窮塔影遮層漢鐘聲落半空
千峰羅雉堞萬仞聳峩峩飛鶴來清寶剝魚掛古桐
名曾參四絕封合亞三公勢徹河壠遠形差嶽鎮雄
儻間隣峻極日觀伴穹崇邃洞連蓬島重巒鑿梵宮
望應銷俗慮登喜出塵籠獻壽嵩衡竝分茅海岱同
良方標出震午位對升中嵐滴晴煙碧崖鋪夕照紅
魏峩齊太華奇勝敵崆峒鍊句其詩客模真性畫工

天孫分怪狀神化結全功吟賞慵回首雲泉興忘歸

靈巖

集

徐舜俞

嚴州人景德二年進士景祐中知合州卽涪江

南岸立學見嚴州圖經及四川志

送梵才上人歸天台

芳袍麟殿賜蒲茸道勝年來請謁慵貝葉罷翻雙鳳
闕石房歸掩五芝峰朝賢遠乞裁詩藁海客爭傳古
定容後代何人續僧史好將安遠比高蹤

天台續集

江白

江西南城人景德口年進士授鄞縣尉父禹錫卒罷還負土營葬廬于墓側元祐間累官福建

安溪縣尉

等法院

滿路煙花畫不成
栢桐佳致古流名
院隣翠障千尋碧
門抗寒溪一帶清
畫影亂雲遮暑氣
晚涼疎雨送秋聲
我來到此慵回首
倚檻吟看海月生

泉州府志寺觀

吳蓮

湧安人景德二年進士官大理評事

青溪晚霽

天晚雨初霽隔溪聞碓春山僧歸夜月幽鳥落長松

風靜砧聲急花欹露氣重良宵思沉芷尊酒話從容

淳安縣志

張保離

字粹之蔡州人景德二年進士授山陰主簿累
官大理寺丞知三泉縣通判齊州永興軍殿中
丞屯田員外郎知漢州職方度支判契丹國信
使湖北轉運使祠部郎中兩浙轉運使明道二
年卒年五十九見元豐類稿

題釣臺

漢包六合綱英豪一箇冥鴻惜羽毛世祖功臣三十

二雲臺何似釣臺高

嚴陵集

覃慶元

融州人景德二年進士大中祥符間官御史中丞莊重不阿見柳州志

登立魚峰

載酒聽鶯語春風到處吹魚峰如有約蠟屐正相宜

柳州府志

鮑當

厲有

送天台進長老

嘗聞台嶺秀積翠，倚南天鹿下深溪飲。
僧從絕嶺禪，浮塵滿。浮世流水逐流泉。
人別歸心切，瓶盂上客船。

送白上人歸天台

梵譯千篇廣，歸心一念生。
浮杯識海岸，持鉢去王城。
雨約春莓滑，香盆漏葉輕。
遙知守庵虎，先辨錫環聲。

寓懷會稽吳道子遇因師

隱淪與釋子，時予久在還。
覽照不自認，況復思君顏。
昨日山書至，乃夢雲蘿間。
何必風韻息，始覺萬境閒。

會稽掇

郭昭著

英集

字汝晦景德二年進士官兵部郎中

秋夜

秋空澹澹天無極東望平林淨如拭清光倒湧冰輪
寒山河吸作玻瓈色主人對此欲凌風瑤光浮白珍
珠紅留連中夜不知倦酣歌驚動蛇龍宮

塞上曲

胡馬秋肥塞草黃彎弧直擬犯漁陽歸鞭却避弓間
水知是嫖姚舊戰場宋詩拾遺

郭昭務

字汝成北宋官司農

送汝端兄南還兄自詫有仙授異丹故篇中及之

一榻清風喜共攀又構姜被惜間關虛誇海外千年藥不借平原十日間鴻雁幾時纔北向尊鱸有約竟南還野情縱合江南老春草相期一解顏宋詩拾遺

郭昭度

字汝則父贊宋史有傳贊沒錄爲大理寺丞終比部郎中

左掖卽事

遲日下金殿香雲靄玉爐苑花迷晚蝶宮樹集寒烏

春日奉和馮景山

春來無事不芳辰，尊酒流連動涉旬。
三徑每從羊仲賞，諸侯誰念馬卿貧。
藏名祇許漁樵識，混迹從教鹿豕親。
老去心情常在墮，摩娑雙眼看垂綸。

宋詩拾遺

楊侃

字子正，後易名大雅。錢唐人。家常州進士及第。大中祥符八年以兵部員外郎直集賢院知紹興進修選，知制誥，拜諫議大夫，集賢學士，知亳州。著《大隱集》五十卷，《職林》二十卷，《兩漢博聞》十

二卷。宋史有傳。

遊龍瑞觀

泛舟秋水一湖平入觀松風數里清丹井有泉仙跡
在玉書藏穴禹功成步虛夜月千峰靜投簡春霖萬
壑盈述記賀知章手筆題詩元相國聲名結廬野客
前溪住採尤幽人絕頂行杉檜影侵山殿冷星辰光
逼熊壇明降仙臺畔看雲過射的潭邊鸚鵡鳴撫客
多聞逢異事洞天多不遠重城林間牕戶塵難到衣
上烟嵐暮自生不待照湖天子賜欲將長往換浮榮

遊海山寺

出郭塵路斷登舟鷺嶺通樓臺花嶼上鐘梵水天中

石磴斑春蘚松門韻晚風蓴絲惹輕檝雲錦散遙空
竹逕連茶塢山亭對藥叢郤輸湖畔叟朝夕訪支公

以上會稽

掇英集

作

送陳堯叟

馬困炎天蠻嶺路棹衝秋霧瘴江流辛勤爲國親求
病百越中無不治州

輿地紀勝

送梵才上人歸天台

忽憶幽棲地千峰秀海濱歸心挂飛瀑高迹指浮雲
塵世宜深遯詩名畏遠聞猶嗟石橋畔凡聖路岐分

天台續集作
楊大雅名

林渭夫

景德四年湏陽從事後知英州

詩送交代秘丞歸闕

分攜何必恨依依三載無私得意歸煙雨乍隨孤棹
去鴛鴦重入九霄飛舊題詩句刻文石新勑儒官在
翠微後夜月明迴首處汀風蕭颯動行衣

謹案詩刻在英德南山

李諤

字仲詢新喻人景德間進士累官戶部侍郎知
樞密院卒謚憲成宋史有傳

送僧歸護國寺

輦客分朝供江燈照夜禪赤城重到日入桂老巖烟

天台

續集

李冠

景德時人

宿靈巖寺

疊翠圍僧國幽棲孰有才名高仍可隱骨俗豈宜來
花發松香沒雲銷石色迴何年脫身去心委像前灰

靈巖

集

周啟明

厲有

送僧有言之天台

講寺金庭遠香文玉篆連船中鳴夜磬雪裏見新年

山盡城臨岸雲空海照天莫嫌通剗客僧舍枕花川

天台

續集

晏殊

厲有

留題越州石氏山齋

書仙十壯儒宮靈越山川寶勢雄岫栢亞香侵几
席巖花迴影入簾櫳千秋碧鎖東南竹一水清含旦
暮風文酒雅宜頻謳集謝家蘭玉有新叢

憶越州

鑑湖清澈秦望高
涵虛逗碧供吟毫
當時醉眼倚空闊
三江七澤才容舠

湖山杳渺不可狀
登覽幽求無所遺
高僧伴吟足清覽
見盡白蓮開落時

以上會稽
掇英集

送僧歸護國寺

海嶠黃金刹安禪
不記秋來膺臣宰
召歸泛越人舟達
性融三界隨緣極

四流還持雙股錫拂蘚坐巖幽

天台
續集

麻姑山

昔年權暫領軍城
靜愛仙山詠過春
天下雲車曾祖

城中鼈海幾生塵明知綠髮升真籍堪笑蒼顏頽
忘臣我若粗成忠國事赤松曾羨漢廷人

以上各詩晏元獻遺文皆失收

姜嶼

景德中劉文質奏部內官高輔之姜嶼等六人
有治迹賜璽書褒諭

送張無夢歸天台

鯤鵬運海涯豈復顧泥沙龍虎常爲畜乾坤不定家
玉泉生自石紫府種黃芽此境人難到歸程自有槎

集天台

彭齊

齊字孟舒吉水人大中祥符元年進士官至太常博士仁宗嘗大書殿柱云彭齊之文章楊不之清謹蕭定之政事可爲江西三瑞

寒食憶江南

四度逢寒食江南身未還二親青草冢三月子規山榆柳藏新火松楸病故關東風兩行淚原上夕陽間

江西詩徵

饒夷

江西臨川人大中祥符元年進士

送向綜通判桂州

百粵封疆桂嶺崇

原缺一句

十城縣弩爭趨府五管侯圭

盡偃風

輿地紀勝

杜衍

厲有

衍祥符壬子歲出宰平喻道由汝氏嘗賦長
平詩二韻天聖己巳後忝移用觀孫朱一君留
題爰錄于此天聖九年八月

馮亭獻地豹言非秦間廉頗又不疑四十萬兵降死
後渾輸括母一先知

澤州府志

餞光祿兩張卿退居

七十引年遵禮經君家何事最爲榮清朝叔姪同辭
祿歸去田園盡列卿遠近溪山資勝賞往還舟楫稱
閑行誰知東路賢哉嘆二阮方能繼此聲

昆陵志

贈應天寺昭淨法華

出俗皆言爲息機性靈淨僻似師稀前山月落夜吟
罷深院菊荒秋講歸谿霧鎔窗燈焰短雪風敲竹磬
聲微會期雙闕重相見應換當年舊衲衣

會稽掇英集

霍岳

萬古神山入盛談而今真得對晴嵐禪門遙近能留
客茶泛磁甌酒欲酣

山西通志

周世南

祁陽人大中祥符元年進士累官尙書駕部郎
中以持議忤王欽若致仕有氣節爲士論所服
活溪

壁立石青蒼隣溪復枕江刊名傳不朽縱筆記無雙

沅湘耆

舊傳

許申

字維之潮陽人祥符初舉賢良校書郎知韶吉
建三州歷廣西提刑改江西湖南路轉運使終

刑部郎中

張相公祠

鐵胎重整英儀峻
燕廈新成暑氣涼
韶石徧圖輝壁落
荔枝分植映房廊
開元舊事豐碑在家笥猶傳故
笏囊輿地紀勝

劉仲堪

朝奉郎守秘書丞大中祥符二年知英州軍州
兼管內勸農事武騎尉

南山十詠并序

湞陽郡以山水爲勝槩郡齊西南幾平聲千步於
一郡復秀絕之中鳴茲峯尤最觀其盤青

削碧排虛而起下壓巨江上摩層霄周視崕嶠
森如導衛世傳大舜南狩援琴於茲因而名焉
故好事者於其傍建亭曰薰風向亭之下則有

涵暉谷凌烟嶂並載圖牒近歲又遷置先師

之廟居于其趾像殿齋廬之外復立二亭一閣

一堂一院以爲學者講習宴息之所其爽壘幽

致則控帶巖壑韜映雲日縱妙極毫素未能寫

其鬱鬱矧蘊詞蔓語一聯一詠而欲摸狀哉是

以文於石題於板前後鱗次中的者蓋寡惟令

右史渤海舍人篆勒廟垣有江中瀉沫泗山色

似龜蒙之句比興切至得風雅深旨其餘眾作
則若九牛在目不過庖刃也主上膺元符之歲
仲堪以佐著作局來守是郡郡僻事簡時得與
僚友遊賞其下旣而歎曰物之奮奇蓄異雖在
朝市不遇知者則必與夫碌碌同棄况其遐遠
者乎暇日因用古體賦成十章刻之石壁庶以
洩茲山之从憤且使而今而後觀而咏之者識
桑林之音耳

鳴絃峯

奇峯枕高岸迴合藏雲煙直上數百仞倒影浮清蓮

民傳舜南狩向此鳴朱絃至今萬籟寂雅韻猶泠然

薰風亭

茲亭最高峯勢與羣峰作層軒一以臨萬物皆下顧
廣歌音久絕緇構意何古猿鳥豈有知騰翔如率舞

涵暉谷

嵌空在山半天設茲閑敞清虛生晝白高迥傳遙響
窮應到真境憩暫祛煩想巖石如可耕此地堪長往

凌煙嶂

嶽峯羨數仞邇迤極幽致蘿蔓與苔蘚蔓延去聲相口

口青天鍊可補滄海艱難至造物者何爲并此儕魑

魅

宣聖廟

翼翼素王宮誇奇高峯右烟雲覆幽邃樹石窮奇秀
丹青古冕服赭堊新締構率土被儒風九夷信何陋

沂風亭

四楹倚巖壁一逕臨涇塢訛訛講習龍濟濟生徒口
振衣嘉樹陰浴德青江滌舞詠自忘歸何須在鄒魯

來學亭

綠雲忽上征簷廡如蠶翅橫經就一隅負笈來千里
上同豐相圃閱類公超市靜聽絃誦聲杳在層巒裏

集儒閣

飛閣敞東軒俯瞰長江瀉晨霞晃梁際晴虹隱波下
諸生肄業餘羣吏時官罷清風四座來茲焉縱嘉話

讀易堂

八卦旣成列幽贊天地功邈哉九聖意究此口堂中

口機口巖口華口口澗松口口理儻析欲遊學口蹤

口書院

鑿石導行徑刊木羅居室微雲口總戶青嵐照綯帙
潔士口口堵志人輕尺璧况近口山水勉旃此游息

謹案詩刻在英德南山

廣東通志
金石略

康孝基

大中祥符三年知台州

游虎邱

虎邱天下名勝槩狀難成入寺登山險開門見路平
雲連松色翠風度磬聲清好便稱居士安閒過一生

春遊虎邱

行春喜入虎邱山按巒風和艸色閒寺內翠微松檜
裏空中紺宇水雲間桃花時作翻翻落苔蘚晴留點
點斑不爲白公爲太守霓裳一曲暮迴還虎邱志

寄題神山縣玉兔寺

國朝梵刹多新額玉兔名存四百年曾爲皇唐稱瑞
應得於炎宋保流傳荆山溫潤嘗凝化月窟精神主
缺圓寺記廢興書異事豐碑采摭盡雕鐫山西通志

宋詩紀事補遺卷五 男侍讀銜內閣中書樹藩校